

Il mas-chalch da Sent



Publicaziuns ufficialas. Cumpara seguond bsögn.

2009/2011

no. 5

7554 Sent, 27 marz 2009 / mw

Publicaziun da fabrica

Reguarda: Isolaziun externa e sanaziun interna, Chasellas 56, 7554 Sent

Patrun da fabrica: Gerber Andreas, Seestattstr. 32, 8852 Altendorf

Profilà: 16.03.2009

Publicaziun: 27.03.2009

Termin da protesta: 16.04.2009

Reguarda: Lavuratori cumünal, parcella 533, 7554 Sent.

Patrun da fabrica: Cumün da Sent, Chasa Misoc, 7554 Sent

Profilà: 27.03.2009

Publicaziun: 27.03.2009

Termin da protesta: 16.04.2009

Dumonda davopro (BAB)

Reguarda: Foura da zocca e remissa, Tschern, 7554 Sent

Patrun da fabrica: Martin Etter, Bain Tschern, 7554 Sent

Profilà: ---

Publicaziun: tenor Fögl Ufficial

Termin da protesta: tenor Fögl Ufficial

Ediziun: Tuot ils plans sun exposts in büro cumünal.

Recuors: Protestas da dret public, cunter quistas publicaziuns, sun d'inoltrar infra 20 dis in scrit, a partir da la data da publicaziun, al Cussagl cumünal.

La cumischiun da fabrica

2. Avis: Palperi vegl

In marcurdi, als 22 avrigl 2009 a partir da las 08.00 ramassaina palperi vegl.

Attenziun! Tenor las directivas da la Pro Engiadina Bassa pudaina ramassar be plü palperi lià in faschs cun cordas chi tegnan. (Sachs e tas-chas da plastic e da palperi sco eir chartun nu sun admiss).

La scoula

Giantar cumünaivel

Nos giantar cumünaivel ha lö in venderdi als 17 avrigl 2009 a las 12.00 h al caffè La Teja. Annunzchas piglia jent incunter, scha pussibel fin 2 dis avant, duonna Erica Clalüna, tel. 081 864 07 59 (laschar sclingir lösch!). Minchün es bainvis.

Erica Clalüna

INFUORMAZIUN

Il muond da las quatter culuors – ün gö da chant da las scoulinas da Sent e Scuol. Las rapreschentaziuns han lö als 22 avrigl 2009, a las 19.00 in chasa da scoula a Scuol ed als 24 avrigl 2009, a las 19.15 in chasa da scoula a Sent.

**Cordialmaing As invidan ils uffants
da las scoulinas e lur muossadras.**

Avis: tscherchè duonna per pulir

A partir da la stagiun d'instà 2009, tscherchè üna duonna per pulir, e per chürar l' abitaziun da vacanzas. Maschina da lavar e tumbler in chasa. Annunzchas piglia gugent incunter duonna Aurelia Baumgartner, Alte Bergstrasse 12, 9545 Wängi
Natel 079 601 01 34

Aurelia Baumgartner



Seniors Engiadina Bassa

Jon Poo Werro, 7542 Susch, tel. 081 862'29'66

Lüzza Rauch, 7550 Scuol, tel. + fax 081 864'19'63

Program gitas 2009

Muntada: ▲ in meters

Schmuntada: ▼ in meters

- 03.06.2009 Burgeis – Schleis (Via Clostra) - Glurns; 3 uras; ▲ 150 / ▼ 450
- 17.06.2009 Albula – Plaun Grand – Zuoz (Via Segantini) 3 uras; ▲ 100 / ▼ 200
- 01.07.2009 Scuol – Clemgia – Laj Nair – Tarasp 2½ uras; ▲ 350 / ▼ 100
- 15.07.2009 Guarda – Nessas - Guarda; 3½ uras; ▲ 450 / ▼ 450
- 29.07.2009 Buffalora – Mots - Buffalora; 3½ uras; ▲ 350 / ▼ 350
- 12.08.2009 Sur Lej – Vanchera - Segl Maria; 2½ uras; ▲ 150 / ▼ 150
- 26.08.2009 Roticcio - Soglio; 3½ uras; ▲ 200 / ▼ 375
- 16.09.2009 Varusch – Alp Trupchun - Prasüras; 3 uras; ▲ 200 / ▼ 300

Remarchas generalas:

- Persunas sur 55 ons sun amiaivelmaing invidadas
- Important sun bunas s-charpas, bastuns da chaminar, giacca da vent e plövgia
- Marena our da la buscha
- Annunzchas sun d'inoltrar fin il plü tard il lündeschdi a mezdi al postin da mincha cumün
- Ils manaders inchaschan da mincha participant l'import da 20.00 frs. per cuvernar las spaisas generalas da tuotta stà; implü as sto calcular amo las spaisas da viadi
- Mincha participant es responsabel per sia sgüranza
- Scha la gita sto gnir annullada, comunicheschans ils manaders quista dispusiziun als responsabels da mincha cumün. Quel infuormescha als participants da seis cumün.

Las annunzchas dals responsabels da mincha cumün sun d'inoltrar als manaders fin il plü tard il lündeschdi a las 20.00 a:

Jon Poo Werro, tel. 081 862'29'66 o

Lüzza Rauch, tel. 081 864'19'63

**Cordials salüds
Jon Poo e Lüzza**

Susch / Scuol, 27.03.2009

Cuorta descripziun da las spassegiadas da quist on

1. Burgeis – Schleis - Glurns

La prüma gita ans maina lung üna part da la via nouva tanter las clostras da Müstair fin Burgeis. A Schleis bandunaina la senda e chaminain fin a Glurns, la citadina veglia cun grond' importanza sco lö da marchà.

2. Albula – Plaun Grand - Zuoz

La via panoramica davent dal pass da l'Albula (via Segantini) spordscha üna vista fich bella sün tuot l'Engiadin'Ota. La prüma part da la senda nun es largia.

3. Scuol – Clemgia – Laj Nair - Tarasp

Quista spassegiada ans maina tras la chavorgia da la Clemgia fin sül Laj Nair. Da la partida saran eir ils seniors da Landeck.

4. Guarda - Nessas - Guarda

Annatina Viletta ans ha invidats aint in Tuoi ad üna marena. Per quels chi nu sun bain in chomma, exista la pussibilità da transport cun ün auto. No giavüschain da vulair tour cun sai ün plat ed ün sdun per mangiar la schoppa.

5. Buffalora – Mots - Buffalora

La via sur l'alp Buffalora es per part (ün traget cuort), tant la muntada sco eir la schmuntada, dret stipa. Sur il god traversain las pas-chüras vastas da Buffalora e Mots.

6. Sur Lej – Vanchera – Segl Maria

Il prüm seguin no la riva dretta dal laj da Silvaplana fin pro la staziun da la pendiculara da Futschellas, traversain il god Laret ed arrivain sur ils prümars da Vanchera e giodain üna vista magnifica sül laj da Segl.

7. Roticcio - Soglio

No seguin üna part da la senda panoramica da la Bergiaglia. Quista gita es ün pa plü lunga e la senda nun es adüna planiva ed impustüt per part cuvernada cun crappa gronda.

8. Varusch – Alp Trupchun - Prasüras

L'ultima spassegiada ans maina aint in Trupchun d'ürant il temp da la s-chalmana dals tschiervs. Jon Poo sclerischa cul cumün da S-chanf a regard la pussibilità d'ün transport cun l'auto fin Varusch.

Remarchas

- *No ingrazchain fich a Leta Gaudenz per il stupend artichel davart nossas activitats da l'on passà cumparü illa posta Ladina.*
- *Dal rendaquint da l'on passà resulta ün pitschen vanz cha no dovrain per cuvernar ils cuosts da viadi da quist on.*
- *La reuniun da l'inscunter da finischun han organisà las partecipantas ed ils partecipants da Sent. Grazcha fichun per tuot las buntats culinaricas.*
- *Da cour ingrazchain no per il bun per üna tschaina cun nossas duonnas. Id ha gustà stupend.*
- *L'inscunter culs seniors da Landeck es previs als 01.07.2009 sül Laj Nair da Tarasp.*



Activitats in avrigl

Pitturar övs per uffants

Data: 8 avrigl 2009
Temp: davent da las 14.00 Uhr
Lö: Butia Schlerin Café creativ, Sent
Cuosts: 2.00 fr / per öv
Annunzchar: fin als 6 avrigl 2009



Piturar cun la technica dal artist



L'artist Bob Ross ha inventà üna tecnica "moll sün moll", cha minchün es bun d'imprender a piturar cuntradas realisticas. Id es usché simpel, cha vus pudaivat subit cumanzar a piturar. Eir scha vus nu vaivat amo mai piturà! Tuot quai cha vus dovraivat es voluntà ed ün pèr uras temp.

Data: Sonda, als 18 avrigl 2009
Temp e d'ürada: 9.30 fin ca. 16.00
Lö: Butia Schlerin Café creativ, Sent
Cuosts: fris 190.- includ material
e pitschen giantar ed aua minerala
Annunzchas: Fin 13 avrigl 2009



Butia Schlerin Café Creativ
Chasellas 61, 7554 Sent
Tel. 081 864 81 05 oder 079 753 52 55

www.schlerin.ch